

Romani vero, post alterum diem collecti, in hostes Ecclesie impetum facientes, de porticu fugere compulerunt, interfectis multis de suis, et perditis equis, tentoriis, pecunia, et infinita supellectili. Post haec omnes unanimes contra eum juraverunt, uno animo, una voluntate pugnare. Tu igitur prudenter vigila, et quanto amplius necessarium conspicis, tanto magis elabora, et matrem Ecclesiarum omnium

A adjuvare ne desinas. Orationes pro liberatione domini nostri, imo pro ipsa Ecclesia, ubique potueris, fieri facias. Vale. Hoc autem factum est anno Domini millesimo centesimo undecimo, Indictione quarta, pridie Idus Febr. in basilica S. Petri apostolorum principis, die Dominica ante caput jejunii.

ANNO DOMINI MCXIII

BEATUS ODO CAMERACENSIS EPISCOPUS

NOTITIA HISTORICA

(*Cameracum Christianum*, auctore D. LEGLAT, pag. 30.)

Odo, beati decoratus titulo, qui aliquando vocatur Odoardus, civis Aurelianensis, primus abbas S. Martini Tornacensis post hujus monasterii restorationem, de quo consulenda est abbatum hujus loci historia, electus et consecratus est in synodo provinciae Remensis an. 1105, vi Nonas Julii, die Dominicæ, ut eruit ex ipsius charta pro Rogerio abbe Ambeciensi data hoc anno, qui dicitur primus ejus episcopatus, cui subscrabit Balduinus decanus, et ex instrumento quo fundatio collegii canonicorum apud Teneramundam confirmatur. Post suam ordinationem, Odo aliquandiu episcopali sede minime potitus est, sed mortuo Henrico imperatore, Henricus ejus filius, qui partes pontificias adversus patrem amplexus fuerat, jussit Cameracensibus ut, expulso Galchero, Odonem susciperent, an. 1106. Ex narratione restorationis abbatiæ S. Martini Tornac. Spicil. tom. XII, cap. 82.

Anno 1110, Roberto comiti, et Clemente ipsius uxori dedit licentiam construenda capellæ in Novo-Burgo apud Aldenardam. Anno 1113, confirmavit monasterio S. Diouysii prope Parisios ecclesiam Solismi, ex hujus loci chartario. An. 1112, præsumtus sui vii, Bornhemiensis abbatiæ fundationem confirmat. Sed quia virgam et annulum ab Henrico

B IV imperatore recipere noluit, quæ in sua ordinatione jam ecclesiastica potestate receperat, sede sua pulsus apud Aquiscinctum exsulavit, ut ipse scribit in libro De blasphemia in Spiritum sanctum. Infirmitate corporis gravatus, inquit Herimannus, Spicil. tom. XII, p. 469, episcopatum reliquit, seque Aquiscinctum in lectica deportari fecit, ubi intra octo dies defecit. De Odone plura apud Molanum in Natal. Sanctorum Belg.; Miræum in Codice donationum piarum; Lindanum, cæterosque hagiographos, et Trithemium De scriptoribus eccles., ubi dicit fuisse in Scripturis eruditum, ingenio subtilem, clarum eloquio, et in declamandis homiliis ad populum non mediocriter insignem. Præter homilia quas composuit, exposuit Canonem missæ, aliasque dedit lucubrationes. Ad meliorem vitam migravit xiii Kal. Julii, seu xix die Junii, an. 1113, in monasterio Aquicinctino, ubi conditus est sub tumulo marmoreo coloris albi, cui ejus imago insculpta cum hoc elogio:

MIC TECITUR PRÆSUL ODO,
QUI PERSPECTUS OMNI MUNDO,
FUIT EXSUL, DEO FIDUS,
FULGET COELO QUASI SIDUS.

NOTITIA ALTERA

(MABILL. *Annal. Bened.*, tom. V, pag. 299.)

Multi hoc tempore (an. 1090) florebant apud Gallos viri litterati, quorum plerosque versibus suis celebravit Baldericus abbas Burguliensis, in his præceptorem suum Hubertum, qui Magduni litteras

D docebat, irodonem Andegavensem, Audebertum Cenomannensem; et Godefridum Remensem; at mirum est ab eo prætermisum fuisse Odonem popularem suum, utpote domo Aurelianensem, qui